



## **Universitätsbibliothek Paderborn**

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1847**

CLXXXIX. Heinrich Propst und das Capitel zu Brandenburg und Eberhard Propst zu Berlin bekunden, sich und dem Brandenburgischen Clerus über längere Zeit stattgefundene Streitigkeit mit dem Domcapitel ...

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

in premiis aut aliquo premiis contrarium fecerit, is nomine ejusdem ecclesie absque nostri, heredum et successorum nostrorum contradictione et indignatione qualibet ad restituendum, refundendum seu satisfaciendum sepedicte ecclesie per censuram ecclesiasticam poterit libere coherceri. Ne autem hec in posterum aut oblivio aut importunitas malignantium infringat, sed ut predicta omnia et singula inviolabiliter observentur, presentem literam ex certa nostra scientia conscriptam dari fecimus et in evidens testimonium nostri sigilli munimine jussimus roborari. Testes hujus rei sunt spectabilis vir, dominus Bertoldus, comes de Hennenbergh, nobilis vir dominus Hinricus, comes de Schwartzenburg, nostri avunculi dilecti, honorabilis vir dominus Segherus, prepositus Stendaliensis, curie nostre prothonotarius, Gerhardus de Kerko et Bertoldus de Buzt, milites nostri, cum aliis fide dignis. Actum et datum Brandenburgi, anno domini millesimo trecentesimo vigesimo quarto, dominica Invocavit.

Nach dem Originale.

**CLXXXVIII.** Der Markgraf Ludwig d. ä. schenkt dem Domcapitel das Dorf Guten-Paaren, am 1. Jan. 1326.

Nos Lodewicus, dei gratia Brandenburgensis et Lusatie marchio, comes palatinus Reni, dux Bavarie, sacri imperii archicamerarius, fatemur literas per presentes, quod in recompensam et restaurum impensarum, quas honorabilis vir, dominus prepositus ecclesie Brandenburgensis sustinuit et fecit, in causa, quam dominus archiepiscopus Magdeburgensis nostris subditis et terris movit, cui quidem cause dictus dominus prepositus usque in finem triumpho laudabiliter preluit, dedimus sollempniterque donamus in perpetuum villam Parne, sitam prope Roschowe, ecclesie Brandenburgensi perpetuo sine omni molestia nostri et successorum nostrorum pacifice possidendam, nichil juris in eadem villa et attinentiis ville ejusdem penitus reservantes, sed omni juri, quod in ipsa habuimus, per presentes litteras sollempnitate debita renunciamus in toto et in parte. In cujus rei testimonium etc. Presentes fuerunt nobiles viri dominus G(untherus) et Adolfus comites de Lindow, H(ermannus) de Wolcov, Hinricus de Slaberndorp, Ericus de Wolcow milites nostri, Hermannus de Luchow noster notarius cum aliis fide dignis. Datum Bernowe, anno domini M<sup>o</sup>. CCC<sup>o</sup>. XXVI in circumcissione ejusdem.

Nach dem Originale.

**CLXXXIX.** Heinrich Propst und das Capitel zu Brandenburg und Eberhard Propst zu Berlin bekunden, sich und dem Brandenburgischen Clerus über längere Zeit stattgefundenene Streitigkeit mit dem Domcapitel zu Magdeburg ausgesöhnt zu haben, welchem letztern sie 200 Mark Silbers zu zahlen versprechen, am 21. Juli 1326.

Nos henricus, dei gratia Brandenburgensis Ecclesie prepositus Totamque Capitulum ac Euerhardus eadem gratia Berlinensis prepositus recognoscimus publice in hiis scriptis quod pro reconciliatione inter nos et Clerum Brandenburgensis dyocesis parte ex vna et honorabi-



les viros dominos nostros dominum henricum videlicet prepositum et Capitulum Sancte Magdeburgensis Ecclesie parte ex altera habita supra controversiis aliquamdiu inter nos utrobique motis eisdem domino henrico preposito et Capitulo promissimus et per presentes litteras promittimus ducentas marcas Brandenburgensis argenti et ponderis in terminis, videlicet ad quindenam post festum beati Mychahelis proximum venturam Centum, Et ad quindenam post festum beati Martini Episcopi et confessoris similiter Centum solvere finaliter et complete: proinde predicti prepositus et Capitulum predictarum controuersiarum omnium et singularum de cetero nullo unquam tempore recordabuntur et ad promouendum nos ut in eorum litteris exprimitur perpetuo laborabunt et facient sincere omnia que nobis esse poterunt profutura. In cuius rei euidentis testimonium presentibus sigilla nostra sunt appensa, Datum Brandenburg, anno domini M<sup>o</sup>. CCC<sup>o</sup>. XXVI<sup>o</sup>, In die praxedis virginis gloriose.

Nach dem Original des K. Provinzial-Archivs zu Magdeburg.

**CXC.** Das Domcapitel in Brandenburg vereinigt sich mit den Domcapitel in Magdeburg über verschiedene Gegenstände, am 25. Juli 1326.

Henricus, dei gratia prepositus, totumque capitulum ecclesie Magdeburgensis uniuersis, quorum interest seu poterit interesse, tam presentibus quam futuris, ad quos presens scriptum pervenerit, salutem in domino sempiternam. Insinuatione presentium recognoscimus et volumus esse notum, quod, cum dudum inter bone memorie dominum Borchardum, archiepiscopum Magdeburgensem et capitulum nostrum ex parte una ac venerabilem quondam dominum, Johannem, episcopum, ac capitulum ecclesie Brandenburgensis nec non prelatos et clerum Brandenburgensis dyocesis ex parte altera super diversis articulis et precipue super quarundam sententiarum et processuum executionibus et publicationibus pro domino archiepiscopo et pro nobis per diversos iudices ac diversis causis et temporibus habitorum, non modica ac longi temporis fuisset dissensionis ac discordie materia suscitata: tandem super hiis inter nos nomine nostro ac nomine futuri domini nostri archiepiscopi nec non dominum prepositum et capitulum, prelatos et clerum Brandenburgensis dyocesis predictos, sede Brandenburgensi nunc vacante, amicabilem compositio intercessit, dampnis et dispendiis, que occasione dissensionis et discordie provenerunt, nobis secundum statum presentis temporis congrue restauratis, cujus quidem compositionis tenor et forma dinoscitur esse talis: Imprimis liquidem iuxta formam compositionis, inter nos concepte et habite, omnibus et singulis processibus et sententiis per venerabilem patrem, dominum Ottonem, Hildenshemensem episcopum, conservatorem principalem per sedem apostolicam deputatum, pro domino nostro archiepiscopo et ecclesie Magdeburgensi supradictis et per dominum Conradum, scolasticum ecclesie Sancte Crucis, et dominum abbatem monasterii Sancti Mychelis ordinis sancti Benedicti civitatis Hyldeshemensis subdelegatos ab ipso occasione dissensionis et discordie, pro ecclesia nostra et domino nostro archiepiscopo habitaram, renunciamus omnino nunquam ad eos ullo tempore regressum aliquammodo habituri. Insuper processus et sententias uniuersos et singulos occasione predicta per dominum nostrum archiepiscopum jam dictum et dominum Guncelinum cum brachio, eo tempore executorem statutorum conciliorum Magdeburgensium dudum contra dominum prepositum, canonicos ecclesie Brandenburgensis, prelatos et clerum eiusdem dyocesis in genere vel in specie promulgatos, post appellationes